

# **«Հայաստանի Հանրապետության կառավարության 2011 թվականի մայիսի 5-ի թիվ 670-Ն որոշման մեջ լրացումներ կատարելու մասին» ՀՀ կառավարության որոշման նախագիծ**

**ՆԱԽԱԳԻԾ**

## **ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ**

### **Ո Ր Ո Շ ՈՒ Մ**

\_\_\_\_\_ 2022 թվականի N \_\_\_\_ -Ն

## **ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2011 ԹՎԱԿԱՆԻ ՄԱՅԻՍԻ 5-Ի N 670-Ն ՈՐՈՇՄԱՆ ՄԵՋ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ**

Համաձայն «Նորմատիվ իրավական ակտերի մասին» օրենքի 34-րդ հոդվածի 1-ին մասի՝ Հայաստանի Հանրապետության կառավարությունը **որոշում է**.

1. Հայաստանի Հանրապետության կառավարության 2011 թվականի մայիսի 5-ի «Կենսաթոշակ վճարելու կարգը հաստատելու մասին» N 670-Ն որոշման N 1 հավելվածի՝

1) 4-րդ կետից հետո լրացնել հետևյալ բովանդակությամբ 4.1-ին կետ.

«4.1. Առաջին կամ երկրորդ խմբի հաշմանդամ ճանաչված, ինչպես նաև 75 տարին լրացած կենսաթոշակառուի կենսաթոշակը Ազգային օպերատորի կողմից անկանխիկ եղանակով վճարվելու դեպքում կենսաթոշակի վճարման եղանակը փոխելու և կենսաթոշակը կանխիկ եղանակով վճարելու գրավոր դիմումը և անհրաժեշտ փաստաթղթերը մինչև 2022 թվականի հուլիսի 1-ը կարող է ներկայացնել նաև այլ անձ՝ ներկայացնելով նաև իր անձը հաստատող փաստաթուղթը:».

2) 6-րդ կետի՝

ա. 1-ին ենթակետը «կենսաթոշակառուի» բառից հետո լրացնել «, իսկ սույն կարգի 4.1-ին կետում նշված դեպքում՝ նաև այլ անձի» բառերով,

բ. 2-րդ ենթակետը «անձը» բառից առաջ լրացնել «կենսաթոշակառուի, իսկ սույն կարգի 4.1-ին կետում նշված դեպքում՝ նաև այլ անձի» բառերով:

2. Սույն որոշումն ուժի մեջ է մտնում հրապարակման օրվան հաջորդող օրվանից: